



الهيئة العامة لقصور الثقافة  
إقليم القناة وسيناء الثقافي

# الدحية

سعيد سلام





الهيئة العامة لقصور الثقافة  
إقليم القناة وسيناء الثقافى

---

مطبوعات

إقليم القناة وسيناء الثقافى

---



---

رئيس مجلس الإدارة

رئيس التحرير

عبد الرحمن نور الدين

---



بسم الله الرحمن الرحيم



## الحلق

دأب فى الورق دميّ المداد

شخبطت بيه

سطين أمانى بيلهثوا ورا مين يشيل

طلّت حروف بسنان كتيرة منمنة

شبكتها ف ليلي الطويل

كام مبتدأ يندّه خبر

حوشتها ف صدر الولاد

للتذكرة ..

\*\*\*

سكة سفر ميت ألف ميل

وطابور شقا

وولاد عرب ناشفة العصب

ونفوس كبار

تخرج تُشق الشرنقة

بأيديها تشبط فى التاريخ

واكتاف عفية تزق زحمة ناس تتار

ودراع بتعصر قبضته

سيف نو الفقار

أو قوس خلاص

وسهام كثير

وعيون بتلقط ع المدى حجم الشراك

وعقول تصم الكلمات

حلقة ف ودان ..



## كارت التعارف .

أنا بذرتي ومصريتي  
كنزى اللى خبّاه الزمان  
ما بين ضلوعى ومُهْجَتى  
ونا ابن مصر  
انا ابن أحمر ابن عمرو  
شايلى فى صدرى ألف عصر  
صنع الحضارة حرفتى..

\*\*\*

ونا جدى عربى أصله م الأنصار زمان  
فارس فوارس فى المعارك والنزال  
وليّه عم اسمه الرشيد  
كان ابن عز وشهرته بتنشد نشيد  
وام هاشم.. من مقامة عمتى..

\*\*\*

ونا امى كات فلاحه من وادى الملوك  
ع الدقن دقة دقتين \*  
مصرية صرقة من الحنايا والعروق  
وجبينها دايماً على يتطلع لفوق  
والأم هاجر .. تبقى أخت لجدتى ..

\*\*\*

ونا ابويا مصرى أصله جاى من قلب ريف  
من طنطا أو م السنطة أوجايز منوف  
أو من عتاقة أو مغاغة  
أو من نواحي كوم الشقافة والسيوف  
أو من حوارى الدرب الاحمر .. ولا لصفير  
أو من زقاق بين الازبكية والعطوف  
وتاريخه تاج على جبهتى ..

\*\*\*

وخالتى جوزها كان أمير اسمه المعز  
سلطان كبير ساب بصمته  
م الصاغة للحسينية لما درب القزازين  
م القلعة لما لتحت الربع لما النحاسين  
آثاره تثبت حجتى ..

\*\*\*

وبنت خالتي مملوكية فاطمية

شابة من حي الغورية

كان اسمها قوت القلوب

طلعتها تفرش مشربية

بسمتها مية قلتي..

\*\*\*

ونا بيتنا في حي الحسين

وباب زويلة والفتوح زى جناحين

وألف مدنة محوطاني وألف خان

وميتين مقام

والقبة حُضْن لکمتی..

\*\*\*

ونبع فني تحت صدرى وحة منى

أهراماتي.. إبداعاتي.. جوه روجى بتناد منى

وف حياتى وف تراشى بتقاسمنى

والمتاحف والمعابد والمعالم والمساجد

ثروة جدوى وخزنتى ..

\*\*\*

ونا شهرتى صبر احتمال

وشهامتى من فوق كتفى شال

وعلى الله دايماً لتكّال

أما الكرامة .. دبلى ..

\*\*\*

ونا طيبة قلبى طبع غالب .. خصلة ميرة  
لو جيتنى ضيف يا مريحة وخطوة عزيزة  
ترتاح تربع تتجمعص ما طلبشى فيزا  
غدرت يوم وجرحتنى أو خنتنى  
شهر اتحمق ..

وازل وازعيب زى ربح  
تجبر بخاطرى بكلمتين  
أحضانى تطلع جفوتى ..

\*\*\*

ونا خفة دمي زائدة حبتين  
ويخش قافية تسحب ضحككتين  
ضحكة تلسع زى شكة تفرش بجناحين  
وضحكة أخت لدمعتى ..

\*\*\*

ونامصر عندى حبها فى القلب دين  
تهين ترابها حانسفك .. لو بعد حين  
ون جعت اصوم واقسم رغبى  
وانشا الله يوم أرهن لحافى .. وهىلا هوب  
رح اطفى نارى ومش مهم

لو روجى تبقى ضحيتى..

\*\*\*

ونا همتى ف كل الأمور جنوة شرر  
لو طين فى إيدى بانحته.. ينطق حجر  
وف كل علم باصُول واجول واسبق بشر  
ونا عندى كار .. اسمه ابتكار  
فى الطب أو فى الهندسة  
فى الفلك والفلسفة  
فى الكيمياء أو فى الجبر أو فى الزخرفة  
بانثىء واضيف وأفرز دُرر  
لو بس جتلى فرصتى..

\*\*\*

ونا عندى من الحكايات كتير  
أمجاد كتير .. أمجاد جدود  
أنا روجى حتة من خلود  
ومصر أملى ودنيتى..

\*\*\*

تلقانى ماشى فى التاريخ بارمى السلام  
رافع راياتى ع الشعوب.. راكب جواد  
بابدر كنوزى ع البلاد  
والحب سابق خطوتى..

\*\*\*

والمودة جوه قلبي.. تمر حنّه  
مفروشة دايمًا للشعوب  
تفتح قلوب.. وفروق تلوب  
والنيل ييسقى جنتي..

\*\*\*

ونا حبة حبة باصْف عمرى زى عُقد  
وحبه فضة وحبة لولى محنْدقة  
وبالوفاء متزوقة  
يفرِشلى صدر الغالية مصر  
أُمى حبيبتي شمعتي  
ووصيتي  
والكعبة نوري وقبلتي

\*\*\*

(من ديوان وحلمت خير - ١٩٨٢)

## غزل الكلام

الكلمة إيه

الكلمة ياه

الكلمة كام حرف انتباه

الكلمة ليه

الكلمة أه

الكلمة جندى فى المشاه

بس ف زمانا الكلمة يؤه

اتغيرت واتبدلت

صبحت مطية بالفصيح

بالبلدى تبقى بردعة

مشاع لكن متوزعة

على ناس كثير ..

\*\*\*

بس احنا ناس منخونشى مبدأ أو قيم

الكلمة عايشة ف قلبنا

زى ليلى ف قلب قيس

نعشق حروفها نلّمها ونُضمّمها

نسهر ونحلم باللقا ونشتاق كثير

يمكن تحنّ تطلّ مرة في صندرنّا  
لا كن بقى بنفّرح قوى  
ونموت عشّان توصل لناس من جنسنا  
والكلّمة دى كلّمة شرف  
ويتتولد من صدر فيه شقّفة لهب  
تصهر دهب  
شفتوا الهنا .. شفتو الترف  
إه.. بختنا  
ون زرجنت نشحت لها لحظة صفا  
وسط الأسفه  
نقفشها من وسط الزحام عند الرغيف  
وف ثانية تبقى ف حضننا  
أو نبقى برضه ف حضنها ..

\*\*\*

ونا لما باحلم بالوصال  
باخذ فى بعضى واتلهى عند السكون  
واقعد بعيد  
مستنى شقطة من حروف متشوّقة  
وتمرّ لحظة تمصّنى مابقاش هنا  
فنان بقى  
واحلم بعالم باصنعه ولو انى فيه  
غرقان باقربع فى الثوانى كاس فى كاس  
والكاس ده قلبى وباعصره



كوكتيل كلام  
ويتولد جوة الضلوع لحظة شروق  
بترج روى تزقنى  
تفرد جناحها تلفنى  
رح اطيير لفيق عند الهلال  
واسلك مجال  
والمس بايضى نجمتين يتفسحو  
عند الكلام الى الزمان قافل عليه  
أخطف حروف متكحلة  
من ريشة نور  
والمح أفق جوه الأفق تحت الأفق  
واكتشف ستور  
إه.. موهبة  
ح تغزنى شوكة ف نغم من لحن جاي  
لون الشفق قبل الغروب  
يسحب كياني يفككه  
يلمس دراعي يشكشكه  
يشعل خيالي بهمسته  
ح امسك قلم  
وافرز كلام مغزول حرير  
من لخمى رح الخفنه  
فوق أى ورقة والسلام  
واللهفة تحت الصدر بتزق الكلام

رح افضفضهُ  
وح ارضصه  
سطين هنا .. سطين هناك  
واشطب كتير  
وادخل ف صدر الحرف واسمع نبضته  
ونا بارسمه  
وافضل ألولو في الكلام واحشر رموز  
ح ترغللك  
شاعر فتك  
والحرف لما بيتولد يزعق قوى  
ون يعنى مثلا نفترض  
الحرف ناوى يلم بعضه وينطبع مثلا ديوان  
مش ح أفضمه  
رح اسيبه يجرى ع الشفايف  
الإيد قصيرة مانت عارف  
ويلف يجدف في الصدور  
شتلة امل  
وحبة حبه ثبان سنانه ويوسه هوم  
وتاتا تاتا العتبة اهي  
ح يخطى فوق كل العتب  
ويشوف غيطانه مزهره  
أخلاق ونوق شعلة ادب  
ينشف كده ويجمد قوام

ينبت عضل.. يبرم شنب  
ع القهوة يسهر منتشى يطلب طلب  
مع سقفتين  
واحد بيقرا والنبي  
مظبوط.. مثقف مش زيادة  
ع الريحه لأ  
ويكون له وش  
ليه يا سميكه شطبت إيه  
طب والديوان مين يطبعه  
مانا لسه شارب فنجالين  
طب بص شوف طعم الكلام  
اسمع نصيحتي استطعمه  
طعم الأمل لحظة فرح  
لازق على طرف اللسان  
أنساه ده إيه  
بس احنا أولى  
ماهو بس لولا  
دول يا بنى كبشة الماظات  
أنسى الورود ولا العبير  
أنسى الشهيق ولا الزفير  
مين ده اللي مات  
رح اسيبه يجرى فى الحوارى واجلده  
تجليد تخين.. ربك معين..

## حلم ماهوش لـ يوسف

الضُّهر مدد في التاريخ راخى الكثاف  
رامى حمول الأمنيات جوه الوهن  
نامت في أحضان الزمن  
والحلم شابط فيه كابوس  
بيفرتكه  
الساقية مكتوفة قدم  
خرده القانوس  
في الشونة مشلولة الفنوس  
والأرض طارحة قمحها من غير عزيق  
زحف السَّفَه تحت الضلوع مص النخاع  
حوط على حلم الجيا ع  
قاطع طريق كان الدراع  
والدار بتنده ع المشاع  
مطفى الكانون  
الجرن مفسوخ الكالون

ع الجسر يتأوب غفر  
زهقت كلاب المنبرة ملّت نباح  
وعيال بتمضغ عمرها مع لقمة حاف  
وعجول سميئة بتلتهم أيام عجاف  
وإدين بتخطف فى الخبيز م المطرحة  
ويطونها تغرف ع الملائم العفن  
مايهماش مين اندفن  
مع أنها شايقة المدي مليون تثار  
فى الانتظار  
وبيفركو كف النهار  
وف عز ما الغيط انقحط  
والنوم بيرمح فيه الغطيط  
العين بتزعر فى الغويط  
سهرانة تحلم بامتلاك باقى الزمام  
وتفوت تبعزق فى النفاية والبرك  
كل الغموس  
على حس لما الكفر يصبح وضع يد  
وف صحتك  
نخب انتحار الأمنيات رنت كئوس  
والخطوة فوق وحل القناية والبرك  
خطوة طاووس ..

\*\*\*

يوم ما تشنق حبل النجاة

فروا الجناه

حجم الأنا زاد وانتشى

لما امتلك

زفرة عزيمة من الكفاح متشوقة

لما انتهك

عشق الديار عشق الشقا

لما افترس

نفرة سواعد للحصاد متشوقة

وأدين بتنزع م الجدور هجمة هالوك

وتلم دود جوه البراعم يتفقس

وكفوف عفية تغوص وتفجر ع الشبع

وتسف طين

تحلم بغيط يملا الماجور

يملاه طحين

يملا السنين

وابريق بيروى فى العصارى ريق حطب

والنوم فى تعريشة أمل

بعد العزيق

والضحكة تحت البدر فال

وغناوى بكر بتنبدر موال حصاد..

\*\*\*

لمح النفير رُمحُ التتار  
ورا كوم هوان  
ضرب النفير نوبة أدان  
اتمطعى ياكثاف عراض  
واتأوى جوه المهزله ساعة المخاض  
ضرب النفير نوبة قلق  
مارش اندلق  
بانث خطاوى زحلفة ماشية ف زلق  
لبى النداء اكتع جريح  
شكل طابور  
فحل الغنائم لم ديله فى الزحام  
خبى الماجور  
ناح النخيل هدهد زعق  
طار من خرابة ف قوم سبأ  
خُص انتحب ذاع النبأ  
ولول فصادة ف زُعْب عش  
هج اندثر  
دمع شجر  
زق الطابور ويا النفير موجة هتاف

مالهوش مدى  
مالهوش صدی  
وكلام كلام بزبوز وهج  
مشحون بخار  
من عزم صهده بيتخفق لون النهار ..

\*\*\*

فی الصدر دیق  
عين فتحت على صوت زعيق  
عين بریشة واتلفتت  
تنده ليوسف فى الزمان  
رد التاريخ يوسف مالوش  
ينصح زمان خاوى الوقاض  
عاجز يكون عاجز يحوش  
ومالوش فى أحلام الكروش  
ولا شاف سنين جوه المجاعة بتتسعر  
تبلع قرون  
والكون ودان.. الكون عيون  
عين دمعت .. عين فتحت  
والإيد بتسند خد فاق من غفوته  
شاورت ليوسف فى الزمان  
ما بتسألوش



كان التاريخ ملّ القلم  
يرصدُ منام جواه كابوس  
يكتب زمان محشور في حجر المقصلة  
بنودعه  
من غير نواح من غير صلا  
ساعة غروب  
لو تعرفوا .. لو تعرفوا  
معنى الغروب..

(نشرت في مجلة الثقافة الجديدة - سبتمبر ١٩٩٢)

## محاكمة اللام ألف

وباستعجب من التهمة  
ومن اصرار كوكوع الاعدام لحرف برىء  
يقول لأه  
بشدّة عفية تتحدى الوشوش الزيف  
وتزّفق زعقة الفارس فى هبتها  
وتشهر سيف  
وتشرّخ فى الجباه الصلّب ميت أخدود  
وتخفّت عين أفاعى من ام طوق واجراس  
تراقب طرف كل لسان  
وتقطع ألف إيد ديبان  
بيستقصد حروف النفى ع الشفة  
ويبصم للكلام تصاريح..

\*\*\*

وباستعجب لكم يا قضاة  
يا أهلى وعزوتى وناسى  
سألتونى وشاورتونى

ولما جاوبت ساوِمتُم ولا وعِتم  
وفى الآخر حاكمتونى  
ونا منكم.. ونا ببيكم  
ومادام الحق ضاع فيكم  
وخونتنونى  
ح اقاضيكم..

\*\*\*

ونا دفاعى ماهوش جاهز  
ماهوش مهزوز ولا عاجز  
كلام عفوى  
بينغز بالآدب معناه  
وليه أنياب تروح غارزة  
تعض الكذب ما تسيبه  
يقوم يزهدق  
ومش معنى إن ليكو دراع بيتسمّر على اكتافى  
وزند زعيق ولغد عريض وقبضة كلام  
بتجبد خصلة فى دماغى عشان ما تميل  
وكوم أختام  
وميت حاجب بخلق تخين  
وعين تزغر كما الجمرة  
وزور تهليل  
أعيش ممسوخ فى دنياكم

بلا كلمة بلا معنى بلا احساس  
ماليش اهمس وراصدين لى  
عدد أنفاس  
وامضتكم ماهيش فرمان  
وأحلامكم ماهيش نبوت  
وتوب الريش على اكتافكم ماهوش منحوت  
ومش معنى أن ليكو اعتاب بيباب على  
تطاطى الكلمة قدامكم  
تمد ولها الإدين تنباس..

\*\*\*

كفاياكم  
مانيش فاهم فى دنياكم  
ولادريان بفين رح ترسى مرساكم  
ومن إمتى النوايا قانون  
نواياكم  
دنا شاعر  
باحس النبضة والخطر  
وليّه عينين بتفحص عمق جواكم  
ومش قاصر  
وجوايا كلام مخنوق لكنه صريح  
وفيه كام لأه مكتومة  
تحس بدخلة الضلمة ح تتوهج

كما المصابيح  
تقيد السكة ع الآخر وتفرش نور  
تولد في العيون لمعة  
تجيب الخفى والتايه  
تروح زاقة  
فلول الكذب والتسقيف  
وتدلق صرة الفوازير ..

\*\*\*

كفاياكم  
حبستوني في زنزانة آمال بايطة  
نزىل أفكارى ونهارى  
زمان عابر  
بيسرقنى  
ويسقيني الرؤى أساطير  
ما بتحللش ولا بتربط  
ونا مكتوف ومتشعبط  
فى سطر مفيد يبيل الريق  
وأحلام وردى بالدستة  
تغميني أنا والناس  
نصدقكم  
نشوف الجرف تحتينا تحاوطونا  
بجوقة بتحمل البيرق وتلهينا

تملّينا كلام فى كلام  
وترميلنا بُقْج أحلام  
نقف طوابير  
قصاد الجنة ندخلها نطوف بيها  
نفتشها  
نشوف كام يافطة بالتباشير  
يادوب ح نيص ونحقق تلاحقونا  
بغنة طويلة ممطوطة  
وكام موال بلحن تخين  
بلا معنى.. يجمعنا  
رؤوس مشطوفة منحولة  
بتدمن لحن موالكم على الأرغول  
كما المنزول  
ونلمح فى الهوا أفكار  
عسل صافى  
نبات نحلّم ونستطعم  
زمان ما يجيش..

\*\*\*

واعض صباعى واتكوم فى افكارى  
نايم صاحى ليلي نهارى  
ورا القضبان  
وافتح عينى ع الآخر فى دنياكم

باخاف تَرْمَش وودنى تفوق  
واقوم اسمع ونا مَحْنى  
حفيف القهر ع السكة  
وازِم حروفى ع الشفة  
يفور م الشعر وجدانى  
يجيب الكلمة يَنْحُتْها على لسانى  
وينده جمر بركانى  
ح يهرسنى ونامدبوح وباتهربد  
وسرب اللاه جوه الصدر بيعربد  
يزق الايد تروح كاتبة  
سطور مخنوقة بتقْلُفَص وتتشاهد  
وترمى بصدرها المهدود  
على الأوراق  
والم الخَوْتَة جوايا وارْتَبْها  
فى بحر غويط  
مفاعيلن .. وفعلاتن .. وأفعالن  
وأفعى لا .. ولا .. ولأه  
وشطر آهات بيتبَقَى  
ودى حيلتى  
وحاكمونى..

\*\*\*

## السَّقَط

الإسم واحد مش مهم  
والسن كان  
سَقَط ابن تسعة فى الميلاد  
كان نفسه يطلع فى الحياة أسمر عفى  
زى الجدود  
ويمد إيد شايفه الهدف  
تمسح على جبين الهرم  
رَدُّ م ابتدا صخر اتقرم  
ويمد إيد شايله الأمل  
تزغد فى روحه تصحصحه  
ترمش عيونه وتلتفت ترصد صباه  
جوه التاريخ يغرز بسخ  
ويعيد فى بقة طعم رَضْعَة من زمان  
فيها التاريخ نشوة ف لبن  
تسقى أمانى اتحوشت موجة ف طوفان  
يرفع قميصه يشمره  
يرمى الخضار جوه الغيطان



يبدُرُ غناوى ع السواقى تدور تدور  
تطرح زهور  
يرسم أمانى للولاد  
يفرد صباعه ويرشقه ف عين العدو  
يفرد علم  
يحمى البلاد  
يفرد ورق يمسك قلم  
يكتب رموز متستفة بالمعرفة  
يرصد فلك يكشف نجوم  
يفرش بروحه ع الجدار ينقش صدَف  
يرسم هلال فضة ونحاس  
ويرشقه  
فوق ألف مدنة وألف قبة تفكره  
يسحب كتاب  
شفاف بلون خيط الشروق  
تحت السحاب  
يستلهمه  
يضرِب بسيفه فى الزمان يزرع حكم  
ويمرُ يخطب ع الملأ ويفهمه  
إنه اتولد يوم ما تُولد  
أسمر عفى..

(نشرت فى مجلة الثقافة الجديدة - ابريل ١٩٨٦)

## شاعر القبيلة

من غير ما ينكُت في التراب تحت الودع  
من غير ما يلبس توب فقيه  
هَمُّ القلم يفرد جناحه في الحروف  
شاف سكة تيه  
شاف القبيلة بتترجم كاشة الإيدى  
رابطة العينين في المجزرة  
بالمخطرة  
وسنين هزيلة بقوس ربابة بتتحسم  
وكلام تخين  
عاد القلم شايل حروف لون الشفق  
وبيرتجف..

\*\*\*

من غير مواء يمسح في ديل قفطان نفوذ  
من غير ركوع قدام خيال صرة رضا  
على شفته عض القلم عضة عناد

عضة جريح  
سائدٌ يقف على كتف ريح  
هب انتظر  
قال ألف لا  
مارضيش يسرّب كلمتين يرضوا الولاة  
مارضيش يهادن محنته بلّم اللسان  
لم الورق  
خباه فى صدره اللي اتمزق  
سطر بسنه ألف بيت ليهم عبوس  
لو تتشحن  
من دم فيه ندعة خشا  
من وعى بالقح العفى  
من خطوة شايفة المنحدر  
رح ينطلق زند الخور  
يصرخ فى وش الزيف وعيد  
يزأر دراع ينفر وريد  
رح يتلضم بين النجوع خيط اتفلّت  
رح تختفى  
ميت ألف تسهيمه بليد  
رح تنفتح كل الخيام  
ترمى المدد

يغرز وتد  
تنهض ولاد مستتفة تحت الهدد  
تركب خيول الإمتداد  
تفرد قلوب الموهبة  
تعبر خليج الإحتضار  
تدخل على صدر الزمن دُخلة ولد  
تسحب سيوف ناوية الشهادة فى المضيق  
تهجم على وكر الجمود تفتح قلاع  
رح ينصلب حيل العلم  
تصعد «أنا» جنب الهرم  
ع الارض تبصم ألف خطوة للقدم  
ساعة الشروق رح ينطلق طير الخلاص  
ينده ربيع  
برعم يفتح يتلفت  
وتفر دمة اتجرت فى عيون ندى  
ينشط لقاح فوق خد زهرة بتتلهف  
على مص نحل  
تنبت زهور الأمنيات  
أرض الهجير تفرشها بسمه ألف أم  
يضحك من الفرحة النهار  
رح تنفلت ميت ألف حلم وأمنية

عبت مرار ..

\*\*\*

من غير عبارة ملخّفة تجهد عيّن

تخيل ودان

صب القلم من قوّته جرعة وهج

شعر اتّهزج

لف القبيلة خباء خباء

لم الدّفوف

لم العشيرة والسيوف

شاف القلم حلمه الوحيد عند المدى

بدر الحروف أجمل نشيد

والشوق يبلّهب لهفته

ويبتفض ..

\*\*\*

## أغا مستحفظان

سوس فلاح  
لَمْ فِي حُضْنِكَ لَسَعِ الْبَرْدِ وَنَارِ الشَّمْسِ  
وَأَعْرَقَ شُقَّ الطِّينِ بِإِيدِكَ  
وَاصْلَبَ ضَهْرُكَ بَعْدَ مَا تَرْمِي فِي بَطْنِ الْأَرْضِ حَفَانِ الْغَلَّةِ  
وَنَ سَالِ عَرَقِكَ لَهُ بِكَفِّكَ وَامْلَأِ الْقَلَّةَ  
عَرَقِكَ يَسْقِي الْبَذْرَةَ تَفُورُ  
تَكْبُرُ تَعْلَا وَآخِرَ الْمَوْسَمِ تَصْبِيحُ عَوْدِ  
أَخْضَرُ.. لَوْنِ الْأَمَلِ السَّاكِنِ قَلْبِكَ  
أَصْفَرُ.. لَوْنِ الْجُوعِ اللَّابِثِ فِيكَ  
أَحْمَرُ.. لَوْنِ الدَّمِ الْفَايِرِ فِي الدَّرَاعَاتِ  
أَبْيَضُ.. لَوْنِ الْفَرَحَةِ وَلَوْنِ الطَّرْحَةِ  
لَمَّا تَلَمَّ جَبِينِ مَحَبُوبَتِكَ لَيْلَةَ الْعَقْدِ  
وَأَمَّا يَزْهَرُ  
كَوْمَ قَطْنِكَ وَامْلَأِ الشُّوْنَةَ  
عَبِي فِي كُلِّ شَوَالٍ أَحْلَامَكَ

للم روحك ويا اللوزة وشد حزامك  
وافرش جنب قنايتك قَشَك  
دِشْ بصلتك  
سِفْ الدقة وقربع مشك  
واشبيع واقنع  
واوعى تبخلق ولا تمصمص ولا تشاور  
وابلع ابلع واحمد ربك  
زق اللقمة الناشفة وقوم  
طهقان صوم  
واوعى تزرجن أو تتمارض  
واكتم نظرة شوق بتعارض  
وأما تشوف طرف الكرياج  
افرح وادعى وبوس الإيد  
وانزل طاطى قصاص السيد  
نرضى عليك..

\*\*\*

## القرم

ما تصدقيش  
لوحد قاللك انى طفل  
نضحك عليه بكلمة حنان  
ونفرحه بحتة لبان  
ون حد قاللك أنى خُفت  
أو إن إيدى اتفتقت  
أو إن قلبى ف يوم سكت  
أو إنى تبت  
ما تصدقيش..

\*\*\*

ما تصدقيش إنى انتهيت  
إن الأمانى رَوحت.. إنى اتنسيت  
إنى باعبي دمعتي ف كيس لوعتي  
إنى اتعميت  
بس اصبري  
دنام النهاردة نويت اقوم  
أنده على اليوم الجديد



الى اتسجن  
الى اترمى جوه الزمن  
واللى ابتدا يسبق فى خيلك  
ويكيل بكيلك  
ما تبصليش  
مانتى السبب فى المهزلة  
رح تنكرى إن الوحاشة أفتك  
غطت على أمل انتشل من شفتك  
وسكتى ليه  
لما اندفنتى جوه توبك فى السنين  
لما الشعاع نوره انكسر  
لما الزفير ضل الطريق  
وانحاش يعربد فى الرئة  
والكلمة دخلت ضمن بند الأوبة  
والحلم لازق فى الرموش  
دمعة ف عماص ..

\*\*\*

رح افكرك  
بُصيلي مرة وانتى بوغرى حتعرفى  
إنى زمانى هدنى ونا فى المخاض  
نازل كده عضم ف قماط  
وانتى ان رجعتى لذكريات يوم الميلاد

رح تعرفى  
إنى اتولدت ف يوم زعل  
والحمل كان فى ظروف عياط  
خللا الدكاترة قالوا لا ما ترضعيش  
لبنك قريش.. ومادقتيهوش  
خفتى أنتى صدرك ينمكش  
وبيان عليكى أنك بقيتى ام العيال  
مديتى إيدك ع اللعب  
بارضع وانام زى الكانيش  
ولا دقت يوم ضمة حنان  
واما ابكى برضه ما تسألش  
عدت سنة  
ولا كلمة حلوه سمعتها أو أمنية  
ولا يوم فى نومتى حد دندن أغنية  
ولا يوم صباك زق بسمه ف شفتى  
تسحب براعم ضحكى  
ولا يوم فرشتى بالشمع فرشتى  
كان كله دح أو كله كخ  
ونالفتى كات ديل قميص  
ولا نقشة حلوة وبطة فوق الإسورة  
ولا رسمة فيها نيل ووردة وسنبلة  
وولاد كثير بيهللوا

تحت الشروق

ونجوم كتار

ولا حتى شيلتي حرف عروة تشكني مطرح زرار..

\*\*\*

شبيت لوحدي قلت اشوف

أنا مين وفين

الدنيا عتمة ما عرفتنيش

حواليه زيطه وهرجلة

وناس بتغرز جوه هيش

تفيت عليكو قلتوهيه

وتهقهقوا

بيبوسني جدو وتفيت عليه

مازغرتوليش

وقدرت اقف

ومشيت يا دويك خطوتين

ماسندتونيش

كات واقعة جامدة ما تهربيش

سبتيني ارن

وكبستي جرحي بكف بن

ساب نقرتين

ويوم ما قالوا نطعمه ضد الشلل

ساعتين وقوف ساعتين قعاد

المصل جاييه عم غانم ع العجل  
آخر قزازة وسعوا  
والطرشى اهو  
حَط القزازة فوق رغيف والشاي ياله  
نَظَر يا ناس  
مسح التمرجى شَفَتَه فى المريلة  
وإدين رحيثها فول بتوم  
قَفَشَت شفايفى زى تسنين الغنم  
فَلَفَصَت طبعاً م الألم  
وادی شخطتين  
الحقنة بتخرخر ما تهمد حبتين  
سَقَيْتلى مصل اربع ولاد  
لحظتها فى القلب اتولد ويا الدموع  
معنى العناد..

\*\*\*

وعرفت لما كبرت إنى جيت غلط  
ما فهمتهاش  
ماساويش أنا حاجة ببلاش..  
وفرحت إنى غيظتهم..  
ولما روخت المدرسة  
الأبلة شخطت جتكو نيله ف مخكو

انكتمو سدوا بلكو  
ناقصين قرف ناقصين خلف  
درس النهاردة فى الكتاب  
عن معنى غاب  
اسمه القناعة  
والحصة ساعة  
حتلموا عشرة جتكم هباب  
بلغت ابويا زقنى وساب قهوته  
من كلمتين حصل انقلاب  
ماذاكرتهوش .. لآكن نجحت..

\*\*\*

ونا فى الاجازة كلها  
سبتونى ابرطع ع الرصيف  
أزغد ف ده واشتم ف ده  
واضحك قوى  
على شيخ يبيعد لا الزبالة تتجسه  
يغرز فى كوم  
ون شفت شكل العسكرى  
اهلا يا باشنا  
واحدفلى طوبة فى الفانوس  
ليلتك بغاشة  
ون مرة ابويا قاللى عيب

بوقت فيه  
اشمعى انا  
شوفو انتو حلقة ف تمثيلية ملعبة  
بتزقنا فى المعمة  
جوه الوحاشة ..

\*\*\*

فى الجامعة انا ربيت شنب  
أول محاضرة عرفت إنى  
قول مافيش  
أوماليش  
مشروع قلت من بين إيديكو واتنسى  
وسط الطريق  
يومها اتولد معنى الزعيق  
والزعقة واصلة للقمر  
ولا فيش خبر  
أسهر واذاكر تهته ما تسد جوع  
ماتبل ريق  
أتهد انام  
واحضن فى صدرى ألف نجمة مدروخة  
وضحكة بايخة تسد قلبى وسخسخة  
بس المخدة كوم إبر  
ولا فيش سكات ..

فى القلب جوع  
فى الصدر تركيبة دموع  
وسنين بترقد ع الدكك  
فين السكك  
والراديو بوق  
أهمس فى وذن الصبح واسأل ألف ليه  
ميت على السكة الحماس  
والرجل ثقيلة رصاص  
والصدر ينهج بعد متر  
والخطوة شبر  
والسحنة لون قعر الرغيف  
على شفتى بزابيز عرق  
أنا باشمهندس ع الورق  
باملا ف ورق  
بره السبق  
بانزف عرق  
ولا شفت غير أمل اتزنق  
وسنين رمتنى فى الشرك  
بس اصبرى ..  
بس اصبرى ..

\*\*\*

## الدحديرة

عند الدحديرة إذا حد هناك وذاك  
بيت عالي قديم  
كان بيت مولانا الشيخ منصور الأباصيري  
مقرىء جامع الدرديري  
ربنا يكرم مثواه  
كان حى وشهم وراجل من بيت أصل  
والكل عارف تقواه  
وأولاده الخمسة عيال يتأقلوا بخزنة مال  
اسم الله حسين دكتور  
ممدوح فى البحرية  
وصلاح فى أصول الدين راح ياخذ العالمية  
وبناتة لتنين م الجامعة يادوب واتلموف عش الزوجية  
أهى ديه بقى التربية  
إنما عيلة ولا كل الناس يا ولاد  
القصد ساعات الورد ينبت جوة شقوق الصخر  
ودى نظرية علمية..

\*\*\*

الله يرحم أيامه ويرضى منامه



كان دائما يحيى لىالى رمضان  
ويلم ف بيته الصبيته والسميعة  
ومشاىخ الحى كبار وصغار  
طبعاً يتمد الذى منه يومياً ع الإفطار  
كان خير أيامها كثير  
وكل صبيته ويطانته  
محفوظ له مقامه وحصانته  
ويفطر ألف فقير

أساطير تحيكها وترويها شلل المجازيب  
عند الباب لخصر والزاوية وف خان جعفر  
حكايات بتهون ملل القعدة بين المحاسيب  
والذكرى تفوح بالطيب  
على بوابة الحسين..

\*\*\*

وتفوت الليلة ورا الليلة ٣٠ مرة ف رمضان  
وكأنك عايش فى الجنة  
حوالك تسابيح رضوان  
بعد التراويح ذكر وتواشيح  
والحى تفيض منه التسابيح  
وبيات  
مسروق منه الخلافات  
ويموت ميكروب الشر  
والكل يبطل قر  
ويعيش فى النور وينام مستور

ولا حدّش يشهد زور  
أيام كات حلوة ومبروكة  
الله يرحم مثواه..

\*\*\*

يرجع مرجوعنا لموضوعنا  
البيت الأثرى إياه  
اللى انا باعشقه واهواه  
ربك والحق باحن إليه والقلب معاه  
واللى انا باكتبه دلوقتى  
رثاه..

\*\*\*

بعد السنوية الأولى بتاعة الشيخ منصور  
خطفت رجلها ورا منه الحاجة بدور  
للعشرة أصول  
وما فاتشنى يادوب سنتين  
واتمسمر ع البوابة عرقين  
واتساب البيت مهجور  
خليك شاهد يا حسين  
طلعت فى الحارة إشاعة الورثة باعوه  
حبوا ف مرة يهدوه محصلشنى نهايته سابوه  
مهدود نصه  
والنص التانى خراب  
أنقاض وتراب..

\*\*\*

فانت ع الحال ده سنين  
إهمال من صنف جسيم  
بيت الأصول قلبه اتخطف  
نفسه انكرش نبضة اتوقف  
والمشربيات ريحت  
والخشب الأرابيسك البغدادي  
فن وصنعة بلدى  
بانت من تحته اللبابة  
صفرا وميتانة وديبانة  
من قبل ما تطرح زهرة صيف  
تفركها بإيدك تصبح نفخة كور  
ودى كات بتفرع تملأ الواجهة زهور  
أيام ما بتصحى وتسقيها  
الحاجة بدور..  
والباب العربى العالى ابو سقطة  
على هيئة كف نحاس  
موش عيب.. بنقولها على بلاطة  
جنب السبيل.. راقد هلكان منداس  
كده ببساطة  
مسنود على حرفه خمس مساكين مادين الإيد  
والخشب اتأكل ما بينفعشى وقيد  
وقانوس الواجهة ابوست سبع قناديل  
على شكل هلال  
بقى خرده محاق ولا فيهشى فتيل

والنقشة العربى المشغولة  
دنتلا وتطريز بالمعدن  
حلفت لتودّع مطرحها  
فى شوال بيع الروبايكا  
وارتاح غلبها شاهدين  
فى حوارى النحاسين..

\*\*\*

أما الفسقية المسقية بفن بلدنا الاكاديمى  
فضلّت مرمية ف وسط الحوش زى ماهيه  
شاقة هدمها وشاربة همومها ومكوية  
واستنت لما الطين اترستق  
فوق منها اكوام اكوام  
واتعطى المرمز  
بخرق وورق وجريد  
وكلاب ميتة وزبالة وخردة حديد  
وانتشرت بنت الناس  
مخنوقة ف عز شبابها يا ناس  
واندفنت قبل طلوع الفجر  
سكيتى .. ولاكن  
عينى عينك..

\*\*\*

وقفاص الغية بتاع بسلامته الواد ممدوح  
دلوقتى كما الأشباح.. دايزن داير  
دايبة ومهجورة ومقلوبة وسقفها طاير

جايز من فعل الريح أو م الأيام  
والبرج ما فيهشى حمام..

\*\*\*

وسطوح البيت المتنقش  
بعرائيس مرصوصة بترتيب  
على هيئة شال عمه بشراشيب  
من إرث الفاطميين  
فارد ع الناس دراعاته ويملّم بيها آهاته  
ودموه بتحكى لمصر شقاه  
ولا هيش سمعاه  
ويتوه بخياله ويشرد باله  
مع أمجاده وأيامه  
يستعرض حاله  
تنهد اكتافه لتحت وتهمد ويا البخت  
ولا حد واساه  
سايبيئه يمص لوحده أساه  
وأتارى أبو مجد مهول  
منبوذ مهدود مقتول  
جوه احضان التاريخ..

\*\*\*

ونا كنت زمان باتمشى لحد هناك  
أركن وأتأمل بالساعتين  
على بيت مولانا الشيخ منصور الأباصيرى  
ربنا يكرم مثواه

أرجع بخيالي لأيامى وصبا أحلامى  
ألمح قدامى البيت بيميل ويميل ع الدحديرة  
أتنهد تنهيدتين..

\*\*\*

يسحبني الماضي وأصاحبه لنص الليل  
واستتظر لما الفجر يبان  
ويُرن ف وذن الحى أذان  
من لُزهر والدرديرى وقصر الشوق  
وأذان وأذان وأذان  
ويلم خيالى ف حُضنه الإسم الخالد مصر  
والفكر بيعصر عصر  
واحلم بعمار البيت واستنشق صيت  
واستلهم من بين ضلعي تاريخ بينور شمعى  
ويُسَخَن دمعى  
واتمشى لحد الدرديرى واسبح فى النور  
ونا روحى بتقفز مليون سور  
واحلم بزمان ويمصر زمان  
من بعد أذان وأذان  
وضرورى ما يرجع مجد زمان  
وضرورى حيرجع مجد زمان  
وباسلم تسليمتين..

(من ديوان وجلعت خير - ١٩٨٢)

## متحف الشمع

ونا ماشى  
وباتأمل فى جوايا  
وويّايا  
خيالى الجامع الفارس  
بيسبقنى  
يمد الخطوة يغرينى يشوقنى  
ييص ف روحى ويبخلق  
وبيدقق  
بيوزن صورة فى مرآة  
بيفحص فصل فى رواية  
بيكشف دنيا تحت الصدر مخبوءة  
بيلقُط سر فى نبوءة  
تبان النفس عريانة فى ضوء كشاف  
يصب شفاعه يملانى  
يشق مسار فى وجدانى  
ونا سابح

بلا دفة بلا مجداف  
بالاطم بحر أشجاني  
وروحى محيط..

\*\*\*

ياخذنى الفكر من إيدى يودينى  
ويشطح نى يرمينى  
فى متحف شمع  
وهوه دليل.. ونا سايح  
بيشرحلى بين الدهاليز  
أشوف تماثيل لوحات براوين  
واحك ف عينى وتحقق  
ونبضة تشب جوه الحلق.. تتعلق  
وضحكة تفر من صدرى  
غراب يحجل  
يجر جر آهة من آهة  
دنا التمثال.. دنا التمثال  
بشحمى ولحمى وهدومى  
ورم شفائفى وهمومى  
كيان من شمع متزوق  
كيان ممسوخ ومتفلق  
ومتحوط بحبل حرير  
ومتسمر فى قاعدة رخام..



واتارينى  
أنا الشاعر أنا الفنان أنا الانسان  
فى قلب الصالة متحنّط فى توب فلاح  
خيال بكتاف  
بعين مرخّية مشفوفة  
وقورة خطوطها محروية  
وعضم الخد كوم مفنوغ  
وشفّة قتيل  
وصدر ما فيهشى غير تقاعيل  
وصفّ ضلوع جريد بايش  
ماهوش حايش  
وقلبى ديوان ..  
ورق سايب مالوش جلدة  
وكام مقروص مشخبط فيه  
وكام امضا  
وزندى جراب ملاله السوس  
وحرف صوابعى متحجّر  
وحبر دوايتى متعكّر  
وفى الزنبيل  
بقايا تاريخ ويادىء طعمه يتغير  
وجرن الغلة متستف.. فراغ مدروز  
زكايب شعر متهريد بتنعى نعيق

ومخلة فن بتدلق .. أغانى عليق

ونص حُفان آمال سايبة

حبال دايبة

وميت زهرية منهوية

مواهب كسر مقلوبة

عيدان صبار

ماهيش طايلا لها حضن شعاع

وقفة يبط منها أديب

مع الهاميل بين الكراكيب

وع الزراعية تتمخطر

بغال جربانة بتبرطع

تدوس التبت وتقواح

وغيط الفن من تشليتها مش طارح

وخط الحب بين حوافرها مش فالح

وحوض الفكر مستنقع مرشق هيش

وجورة شعر فيها فروع بتتسلق

تمص جذور نخيل عالى

وتمر ما فيش

وياسمينتى

زهور إبداعى ضليلتى

من التقليم فروع جافة

وغيط إلهامى بتقول فيه الحلفا

وموالى وأشعارى  
ونصل سلاحى إعصارى  
فروع دبلانة فوق تعريشة مهروسة  
ما تسترئى بدن شقيان  
تلب تلق تتلخلخ  
بسندة إيد  
بشخطة سيد  
بهبة ربح  
وأحزانى بتملا الخرج..

\*\*\*

أفوق وازعق ماهيش صورتى  
ماهيش صورتى  
لازم باحلم... لازم أفهم  
وامد الإيد  
أزق اكتافى اتعتع فى ح ازغرلى  
بنظرة شمع مخنوقة  
واطوح لبدة قافشة الجبهة مرشوقة  
واشئ عباية لفانى بكلام مجبول  
ويارمى الفاس  
واقوللى خلاص مانيش جادر  
أجيب أردب فكر طحين  
أنقى الدودة م الأفكار أزق بهيم

كرهت ازحف ورا الأحلام  
كرهت امزع لجام فى لجام  
كرهت ارقد فى وسط الشونة واتمرغ  
مع الأغنام  
كرهت الفاس.. كرهت الناس  
كرهت احمل فى باطنى مداس  
كرهت الدار  
كرهت اللمة فى الدوار  
كرهت النومة عز نهار  
كرهت ازرع فى ارض بوار  
كرهت زمان بيحنى جبين  
كرهت عقول تلت عجين  
كرهت الطين  
كرهت الطين..

\*\*\*

وانور وازعق  
واقول لخيالى يرحمنى  
مانيش رايق مانيش طايق  
أشوف ده نهار  
أشوفنى بقيت عشر تصفار  
واقول أبدا مانيش تمثال  
مانيش مرسوم مانيش منحوت

مانيش مطبوع صور فى كروت  
دنا الكاتب دنا الشاعر  
دنا ابن النيل  
لمحنى الدهر سمانى فصيح وأصيل  
ونا إنسان  
ويوم ما بهب زلزالى يقيد بركان  
ونا اللى إدية لو ترويهها .. حَتْنَبَتْ  
عشان عَشَقْتِ عشان حبت  
تراب أرضى  
وَدَنْ حَكَمْتِ بسن الفاس  
باصون عرضى  
ونا اللى الكلمة بتشقق كفوف إيدى  
فى يوم ما شَتْلَهَا موالى وأناشيدي  
ونا اللى الكلمة تطلع منى وحديها  
لكين فيها  
سنابل حكمة تطرح نور  
ونا اللى الفن تلفيحتى  
وضى الفجر تسبيحتى  
ورِيحَةُ الطمى من ريحتى  
دنا الفنان  
سلاحى الكلمة فى إدية تساوى أدان  
ولسته ف صدرى كام كلمة وكام شتلة

حَبُوح بيها  
فى وش الفجر حابُّدُرها واغنيها  
واور ع الدور افرق فيها واهديها  
لحد الودن ما تسلم لى وحديها  
دنا فنان  
ولو أحلامى تتبدد  
تموت فى الأرض ميت بذرة  
وبذرة تدوب تدوسها كعوب  
وينشف عود  
ويتسقط ورق عمرى خريف فى خريف  
تسفه الريح  
يلمه النيل ويحضن فيه  
وتنهيدة هرم ترثيه..

## المحتويات

٧	- الحلق.....
٩	- كارت التعارف .....
١٥	- غزل الكلام .....
٢٠	- حلم ماهوش ليوسف .....
٢٦	- محاكمة اللام ألف .....
٣٢	- السَّقْط .....
٣٤	- شاعر القبيلة .....
٣٨	- أغا مستحفظان .....
٤٠	- القزم .....
٤٨	- الدحيرة .....
٥٥	- متحف الشمع .....

رقم الايداع : ٢٠٠٠/١٣١٨٨

شركة الأمل للطباعة والنشر  
(مورافيتلى سابقا)